

Արտաքսուան Լատինաց 'ի Սիսնէ : Հիւրընկալութիւն Հայոց : Արձանա-
գրութիւն Սիսնի : և հին եկեղեցին : Վեճ Հայոց ընդ Յունաց : Խաչա-
տուր եպիսկոպոս : Համբարձման եկեղեցին :

ՅԱՂԱԳՍ վանաց Սիսնի, ուր բնակէին Լատին կղերք-
բազում անգամ եղեւ յիշատակութիւն 'ի կարգի պատ-
մութեանն՝ նշանակելով զերեւելի անցս նոցին : Իսկ ըզ-
վերջին դիպուածս, որ պատահեցաւ 'ի սմին յայտնի ժա-
մանակի, զանազան եզանակաւ պատմեն գրիչք, զորոց
բանս դիցուք աստանօր . նախ նա ինքն Մարինոս Լատին
'ի պատմութեան Ս . Երկրին ասէ՝ Սիւլէյման արքայ Օսման-
ցոց ետ պարսպել զքաղաքն Երուսաղէմ, և վանքն Սիսնի
մնաց արտաքոյ նորին . և Արարացիք սկսան չարչարել և
նեղել զԼատին կրօնաւորս սակս ընչից, իսկ մեծաւոր նո-
ցին յեցեալ 'ի խտութիւնս և 'ի յամառութիւնս իւր, ոչ
կամեցաւ տալ զգումար դրամոցն զոր պահանջէին, և ա-
ռիթ եղեւ կորստեան վանաց, որպէս պատահեցաւ եպիս-
կոպոսի միոյ Ասորոյ . զի ոչ յանձն առ տալ զ400 դահե-
կանս . ինքն սպանաւ և վանքն փոխեցաւ 'ի մզկիթ : Աս-
տի զայրացեալ գլխաւոր Շէյխք նոցին առին հրաման ար-
քունուստ և արտաքսեցին զԼատինս 'ի տեղւոջէ յայնմա-
նէ, և գրաւեալ զվանքն անուանեցին Նեպէ Տաւաթ 'ի շնորհս
գերեզմանի Մարգարէին Դաւթի : Իսկ կրօնաւորքն եր-
կուցեալ 'ի ցամանէ Արարացոց՝ փախուցեալ մտին 'ի քա-
ղաքն . և յետ ժամանակաց առին 'ի Յունաց զփոքր վանս
Վրաց, և ընդարձակեալ զայն բնակեցան անդ . և անուա-
նեցին Ս . Փրկիչ, և Արարացիք կոչեն զնա Տէյր եւ Աճաթ,
այսինքն վանք սեան . (1561) :

Սակայն արժան է գիտել թէ՛ հաւատարիմ Լատին պատ-
միչն յորմէ՞ հոգւոյ շարժեալ թողու ընդ քօղով մոռացու-
թեան զբարեսէր հիւրընկալութիւնս կրօնաւորացն Հայոց,
և չառնէ երբէք յիշատակութիւն զայնմ խնդրոյ, որոյ վան
դեսպանք և երեւելիք և նոյն իսկ կղերականք նոցին, 'ի
նմին ժամանակի սրք գտան 'ի Կոստանդինուպօլիս, ս՞րպէս